

北洋官報

目錄

宮門抄
上諭

交旨

奏議◎鄂督陳夔龍奏將備移併汛防摺△湘撫岑
奏第一屆籌辦情形摺△又奏礦務歸勸業道經營片
△極撫張奏第一屆籌備憲政情形摺
公覆◎督憲札一件△滄州稟一件△三河縣稟一件△
董事會申一件
文告三則△電報六則△新聞十二則
彙編◎郵傳部各路營業盈虧比較表

宮門抄

閏二月二十日

內務府 八旗兩翼值日

朗貝勒等充貴胄法政學堂總理監督謝

恩 榮中堂謝

賞假一個月

恩 琦侯假滿請

安 德公請假十日

肅王 澤公

鐵良 薩鎮冰各伺候

召見 內閣奏派驗放大臣

派員

派員 派員 派員 派員 派員

李殿林 葛寶華 恩順

肅王 澤公

鐵良 薩鎮冰各伺候

召見軍機 肅王 澤公

鐵良 薩鎮冰

朗貝勒 熙彥 錫鈞

上諭

諭

閏二月二十日內閣奉

上諭禮部奏恭鑄 祺皇貴太妃鍍金銀寶請發銀兩並造模呈覽各一摺首一字均繕寫錯誤實屬疏忽禮部堂

司各官均著交部議處欽此

上諭增韞奏查明浙江各屬田禾被災請將應徵地漕等項分別蠲緩一摺上年浙江杭州等屬田禾自夏徂秋被

水旱風蟲受傷復遭山洪暴發致成災歉及歷年沙淤石積尚未墾復各田地塘若將應徵地漕照常徵收民力

實有未逮加恩著照所請所有仁和等一十二州縣成災十分各田地仁和等二十五州縣及嘉湖衛之嘉所款

收各田地與富陽等十三縣及衢所沙淤石積各田地塘應徵光緒三十四年分地丁等項正耗錢糧漕白等項

米石暨學租銀兩分別蠲免緩徵其被災各縣蠲免銀米各災戶已輸在官者准其流抵次年新賦至秋收減色

之臨安等廳縣及杭嚴嘉湖台州衢州各衛所與被災各州縣所未完各年舊欠暨原緩帶徵地漕屯餉各銀

米均著遞緩一年徵收以紓民力該撫卽按照單開各廳州縣衛所田地塘頃畝分數應蠲應緩銀錢米石各細

數刊刻謄黃循行曉諭務使實惠均霑毋任吏胥舞弊用副朝廷軫念民艱至意餘著照所議辦理該部知道單
二件併發欽此

交

旨

閏二月二十日 軍機大臣欽奉

諭旨署理外務部會辦大臣大學士世續著賞給一等第三寶星欽此
諭旨李經羲奏滇省財政極困新舊軍需無出懇請節節合籌的款一摺雲南防務重要新軍經費為不可緩之需
著度支部陸軍部合力妥籌迅予照數分撥的款以資接濟而固邊疆欽此

奏議錄要

湖廣總督陳夔龍奏酌裁綠營將備分別移併汛防摺

奏為酌裁鄂省綠營將備分別移併汛防恭摺具陳仰祈 聖鑒事竊維綠營制兵疊奉 諭旨裁汰湖北
湖南兩省經升任督臣張之洞奏准分年裁汰歷經咨行照辦在案伏查原奏章程兵丁既逐年裁減其各鎮協營
員弁亦應視裁兵之若干成數酌量裁缺以肅戎政而符定章近年度支浩繁軍餉日形支絀久應照章辦理惟歷
年以來匪氛未靖地方警察尙待推行綠營雖不足恃究為數百年額設之汛防且軍興以後歸標候補者實繁有
徒一旦驟裁多缺其舊時立功積勞人員更無補署之期情亦可憫似不得不略事變通茲謹將鄂省各營綜核數
目按之地勢詳加察度其扼要之區仍均暫留營將藉資鎮攝但先將千把外委酌裁三分之一其濫竽充位無關
緊要者自應量裁將備以肅戎政而節餉需查湖北通省副將五缺內黃州協副將一缺參將七缺內撫標中軍參
將與國營參將二缺遊擊十七缺內撫標右營遊擊提標右營遊擊荆門營遊擊鄖陽城守營遊擊宜昌前營遊擊
五缺都司十一缺內提標前營都司鄖陽前營都司施南協中軍都司三缺守備三十三缺內督標右營守備撫標
左營中軍守備撫標右營守備德安營中軍守備提標左營中軍守備提標後營中軍守備鄖陽鎮標左營中軍守
備鄖陽前營中軍守備衛昌營中軍守備遠安營中軍守備十缺或同城營數較多或經管防汛糧餉較簡皆可一
律裁去以省浮冗其湖北撫標各營兵丁尙未裁盡應仍照章分年裁汰所有現存之官弁兵丁均即併歸督中協
管理其他各營兵丁亦仍照章分年裁汰凡係現存之兵丁如裁去副將者其兵馬糧餉即歸該中軍都司管理如
裁去參將遊擊及專闔都司者其兵馬糧餉即歸該中軍守備或千總管理如仍留營官而裁去其中軍官者其兵
馬糧餉即歸該領哨千總管理或即由該營官自行經理至於巡哨彈壓安輯地方仍責成現存各營員悉心經理
並嚴飭四路巡防隊及荆襄水師各營設遇地方有事各按所管汛地就近調營彈壓平時則按照定章隨時協同

各營汛認真巡緝以期周密總期額缺雖已裁撤而責任仍屬有歸所有此次被裁人員遇有相當缺出應請按班儘先叙補或量其人材給予差委其未經叙補之前及未有差委者凡係實缺人員應請仍留廉俸三年以示體恤其署事人員本應交卸惟當初委署皆因有勞足錄獎擢所關一日撤還多有清苦不能成行者擬給予兩季半廉以作旋省旅費此項節存俸廉銀兩三年屆滿均已一律騰出可以湊補新政要需雖所節無多而相沿三百年之成局逐漸更張似不致操切誤事此次第一期辦到以後即可繼續酌裁至千總把總外委各缺亦經臣判定應裁數目分飭各屬各自指定營汛名目詳覆核辦俟各屬詳到再行咨部核定據湖北營務處司道會同布政使李岷琛署湖廣督標中軍副將陳士恒詳請具奏前來臣覆核無異理合繕具清單恭呈御覽所有酌裁鄂省綠營將備歸併汛防各緣由除咨陸軍部查照外謹會同湖北提督臣夏銜秀恭摺具奏伏祈

皇上聖鑒訓示謹奏宣統元年閏二月十六日奉 硃批陸軍部知道單併發欽此

謹將酌裁湖北綠營將備員缺開具清單恭呈 御覽 計開 一裁黃州協副將一員改爲營歸都司專管

一裁湖北撫標中軍叅將一員右營遊擊一員左營中軍守備一員右營中軍守備一員撫標未經裁盡之官弁兵丁併歸湖廣督標中軍副將管轄 一裁興國營叅將一員汛防歸守備專管 一裁湖北提標右營遊擊一員汛

防歸守備專管 一裁荊門營遊擊一員汛防歸守備專管 一裁鄖陽城守營遊擊一員城守事宜責成鄖陽鎮標中軍遊擊兼管 一裁宜昌鎮標前營遊擊一員未經裁盡之官弁兵丁歸併宜昌鎮標中軍遊擊兼管 一裁

湖北提標前營都司一員汛防歸守備專管 一裁鄖陽鎮標前營都司一員守備一員未經裁盡之官弁兵丁歸併鄖陽鎮標中軍遊擊兼管 一裁施南協標中軍都司一員現仍留副將 一裁湖廣督標右營守備一員歸遊

擊專轄 一裁湖北提標左營中軍守備一員現仍留遊擊 一裁湖北提標後營中軍守備一員現仍留都司 一裁鄖陽鎮標左營中軍守備一員現仍留遊擊 一裁衛昌營中軍守備一員現仍留遊擊 一裁遠安營中軍

守備一員現仍留遊擊 一裁德安營中軍守備一員現仍留叅將 以上計裁副將一員叅將二員遊擊五員都司三員守備十員合併聲明宣統元年閏二月十六日奉 硃批覽欽此

湖南巡撫岑春煇奏籌辦諮議局選舉事宜第一屆辦理情形摺

奏爲籌辦諮議局選舉事宜遵將第一屆期滿限內辦理情形恭摺具陳仰祈 聖鑒事竊臣前承准憲政編查館咨光緒三十四年八月初一日奉 上諭朕欽奉 慈禧端佑康頤昭豫莊誠壽恭欽獻崇熙皇太后

懿旨憲政編查館資政院會奏進呈憲法議院選舉各綱要暨議院未開以前逐年應行籌辦事宜一摺單開逐年應行籌辦事宜均屬立憲國應有之要政必須秉公認真次第推行即責成內外臣工遵照單開各節依限舉辦每屆六個月將籌辦成績臚列奏聞並咨報憲政編查館查覈等因欽此又於十二月二十七日欽奉 上諭憲政

編查館奏定各衙門應歸第一年籌辦之事現已據陸續具奏至明年以後所有分年應行籌備各事著內外各衙門按限妥籌次第舉辦毋得始勤終懈等因欽此當即欽遵先後恭錄通飭各府州廳縣一體切實辦理伏查憲政編查館奏定考核專科章程第三條內載九年籌備事宜每屆六個月將籌辦成績臚列奏聞自光緒三十四年八月起至十二月底止爲一屆每年二月內八月內各具奏咨報一次等語臣維選舉調查爲諮議局成立之始基關係至爲重要開辦之初頭緒繁隨誠恐各屬辦理未能如法前於上年十一月間 奏明設立諮議局籌辦處後當經督飭該處按照憲政編查館原奏章程體查湘省情形酌議選舉調查事務所通章調查員注意並投票所開票所選派管理員監察員等項辦法細則由臣核定通飭遵辦俾歸畫一各處於選舉事宜凡有疑義隨時稟經臣電詢憲政編查館核示轉飭照辦嗣因各屬辦理不免觀望遷延復經分別電檄飭催暨酌定辦事限期表分列功過藉資勸懲並將稟報遲緩各員予以記過以示儆戒籌辦處會辦紳士前廣西右江鎮總兵黃忠浩等在省城設立選舉調查研究所集各處紳士將調查選舉方法切實研究以期人皆練習爲籌辦處之助各屬亦由籌辦處飭令附設研究所於事務所俾得一體講求第各府州紳士與籌辦處官紳聲氣隔閡難期融洽飭令該府州選請在籍公正明達之紳充任名譽叅議與處紳隨時直接函商以收集思廣益之效其風氣未甚開通之區由省酌派明於政法士紳前往幫辦開辦選舉事宜不復分派司選員蓋因閩省共有七十八廳州縣實無如許練達之員堪以充當且所派如不得人該地方官紳轉得有所諉卸是以不能不詳酌審慎惟湘邊毗連黔粵各屬近者千餘里遠者幾二千里不通電報之區公文往返動需月餘定章正月十五日爲初選期三月十五日爲複選期選舉人名冊須於選期六個月以前告成爲時太促萬難趕辦前經咨明憲政編查館將調查造冊及申轉覆核一應事宜限令各

屬於本年四月以前一律辦竣擬定五月初一日爲初選舉投票期六月二十一日爲複選舉投票期仍限於九月初一日爲開設諮議局之期不准遲誤以後初選複選日期仍照定章辦理現查各屬調查選舉資格編造選舉人名草簿已據陸續申賚其第二屆期內應辦事宜亦已預爲籌備臣惟有隨時認真督催總期依限辦竣不稍延誤以仰副 朝廷慎重憲政之至意除將擬定選舉調查事務等項章程細則咨送憲政編查館查核暨咨資政院查照外所有籌辦諮議局選舉事宜第一屆期滿限內辦理情形理合會同湖廣總督臣陳夔龍恭摺具 奏伏乞

皇上聖鑒再應建造諮議局房屋現在派員採勘地基參酌各國議院規制量爲變通詳細繪圖核實估計一俟勘估明確卽行籌款興造奏明辦理所需建築各項經費應請作正開銷合併陳明謹 奏宣統元年閏二月十七日奉 硃批該衙門知道欽此

又奏湘省鑛務歸勸業道經管等片

再前准憲政編查館咨奏定勸業道官制第十八條內開各省原設農工商鑛局均歸該道管理惟該道設立之初一時不便概行裁併其舊有總辦得力者仍舊分任局所事務改爲會辦坐辦由該道總司攷察等語查湖南鑛政調查局事務前經檄委在籍候選道蔣德鈞總理在案湘省辦鑛各商係本省之人居多往往因爭界等事涉訟糾葛遇有上控案件若非監司大員飭令查辦既無以杜藉口而昭折服地方官亦難免瞻顧遷延憲政編查館所定勸業道官制鑛務現歸該道管理所有鑛政調查局事務自應卽歸經管現任勸業道唐步瀛在湘多年地方鑛務均極熟悉惟上年八月間接辦之初恐於該局情形未能接洽是以臣檄飭蔣德鈞暫改爲會辦至年底爲止遵章裁併統歸該道經理以一事權除咨農工商部查照外理合會同湖廣總督臣陳夔龍附片具陳伏乞 聖鑒 奏宣統元年閏二月十七日奉 硃批該部知道欽此

廣西巡撫張鳴岐奏廣西第一屆籌備憲政情形摺

奏爲具報廣西第一屆籌備憲政情形恭摺仰祈 聖鑒事竊臣於宣統元年正月二十三日承准憲政編查館咨行奏定考核專科章程內開九年籌備事宜欽遵 茲旨責成內外臣工每屆六個月將籌辦成績臚列奏

聞並咨憲政編查館查核應自光緒三十四年八月起至十二月底止爲第一屆以後每年六月底暨十二月底各爲一屆每年二月內及八月內各具奏咨報一次等因自應遵照辦理查第一屆外省所應籌辦者爲諮議局選舉事宜所有詳細情形經臣於奏設諮議局籌辦處摺內陳明在案按照籌辦處所定期限清單上年十二月以前係頒發各種章程表冊暨遴派參議員司選員分赴各屬召集各該屬士紳講習章程等事臣詳加稽核惟融縣知縣殷有鑿辦理疲緩已另片奏劾此外各屬均能依限奉行並有提前趕辦者於本年初選複選之期似不至有貽誤據諮議局籌辦處詳請 奏咨前來除咨憲政編查館查核外所有第一屆籌備情形理合恭摺具陳伏乞 皇上聖鑒謹 奏宣統元年閏二月十七日奉 硃批該衙門知道欽此

公牘錄要

督憲楊准陸軍部咨測繪學生赴灤州實習測量事札飭永平府飭屬保護文

爲札飭事案准 陸軍部咨開據本部陸軍測繪學堂呈稱卑堂三角科學生上年春秋兩次前赴永平府屬測量均經請由地方官照料並由第二鎮調撥馬兵隨同保護在案茲查卑堂本年春季三角科學生前赴灤州一帶地方實習測量約在閏二月中旬即可出發擬請咨行直隸總督轉飭該處地方官及附近營隊照料保護並飭第二鎮仍就近由遷安駐紮之第二標內撥派馬兵頭目劉文田一名又馬兵九名各携帶子彈隨同保護所有臨時分派佈置均聽測量率領官吳琇文指揮除該馬兵等衣械帳棚裝具運費均由該鎮籌備餉乾亦由該鎮按三個月籌給外仍查照歷屆成案頭目一名月給銀五兩每兵一名月給銀四兩馬一匹月給馬乾銀二兩分別津貼以示體恤至所撥馬兵等應於何日在何處會集俟卑堂出外測量日期定妥後再行電達該標照派以歸簡易等情據此相應咨行貴督查照辦理可也等因到本大臣准此除咨覆并分行外合行札飭札到即便轉飭所屬各州縣一體認真保護此札

滄州陳牧鈺稟任內籌辦各項新政文並批

敬稟者竊卑職前沐 憲恩調署斯篆適值舉辦各項新政均經次第籌辦就緒祇因卑州士庶於維新風氣尙未活撥不得不設法提倡以樹風聲如廣設學堂特於本城內會同官紳籌立四旗小學堂四處南關設立訓育學堂

一處南鄉陳官屯設立小學堂二處因本城初級師範學堂畢業生多人浮於塾籌議改設小學堂三處本年籌立自治研究所一處每月四鄉紳民來所研究開會一次共計添設堂所十一處以期教育普及又籌辦巡警於南北二鄉添設區長二員本城添設巡長二名馬巡八名步巡長四名共計添設十六名以保地面治安又於工藝學堂罪犯習藝所籌設工本延師添機以期振興工業又勸諭四鄉村民添種榆柳桑槐等樹十三萬六千餘株均經全活勸習養蠶以厚民生利用又於本城籌設官立戒煙所一處公立戒煙會社二處按期施藥留戒已經戒斷三百餘人及現戒人數按月報查以期早收效果又奉文添設統計處選派幕紳三人專司其事奉發各項表冊均經查明列表分送並將該管各項檢查卷宗逐細簿記以備隨時調查以上各項新政均由卑職任內先後籌辦稟報有案現因交卸有期除將經理事件移交新任接辦外所有卑職任內辦理各項新政情形理合稟報 大帥查核肅此具稟恭叩 崇安伏乞 垂鑒

督憲楊 批據稟已悉該牧在任籌辦各項新政有條不紊深堪嘉許仰藩學臬三司飭令接任之員認真辦理毋稍廢墜並行該牧知照繳

三河縣廖令學榮稟請糶穀存息舉辦工藝文並批

敬稟者據五品銜廩生李文魁等稟稱工藝一端為根本至計當此工戰時代外貨日多土貨日絀若非振興實業何以挽利權而厚民生查城內舊有工藝場一區係邑紳五品藍翎千總陳永山創辦由光緒三十二年五月起甫辦二年即行停工迄今債累山積實難為繼生等擬欲再為接辦改為官立工藝局招集工徒延聘教習秀者授以織布織帶愚者教以編筐編蓆並酌設鐵科木科俾學者得以自食其力意至美法至良也然無米之炊巧婦不作兼之庚子亂後民力疲敝學堂有費巡警有費一切款項幾致羅掘一空反覆籌思實難著手然工藝為當今之要政若竟因噎廢食無以圖利源更何以塞漏卮查三邑舊有倉穀六千石各存各庄居其多數若將此穀變價按每石二兩計之可得一萬二千餘金發商生息藉充工藝經費一俟秋成再為買補還倉實於民食無碍於新政有益而於出陳易新之宗旨更適相符合恭讀三十三年五月初八日官報 督憲批示鹽山縣詳自治經費辦法略云據詳已悉該縣試辦自治學社應准備用積穀變價以充經費又九月二十一日學台批示臨城縣詳積穀可否

變價濟辦新略云查積穀爲備荒要政挖肉補瘡究非長久之策第念移緩救急亦辦理新政者無可如何但必陸續籌還方無貽誤各等語仰見各 大憲提倡新政猶憐憫於民食之至意三河事同一律可否據情轉詳以裕款項而免霉變實爲公便等情據此查該生等所稟係爲振興實業起見如此辦法既不失備荒本意且裨益民間生計實非淺鮮是否可行卑職未敢擅專除批示外理合據情轉稟仰祈 大帥鑒核示遵實爲公便祇請 勛安督憲楊 批據稟已悉仰提學司核議詳覆飭遵並移工藝總局查照繳

天津縣董事會申津海關道文

爲再行申請事案於本年閏二月初十日接准憲台函開敬覆者昨奉台函爲海河淤地種樹一事備悉種切查此事前接文牘當經函准海河工程局覆函以光緒二十六年公約爲詞復經函請檢送約本去後茲准該局錄送第十一款公約前來覆加查閱約內雖無河岸淤地歸其管理明文但改善海河關係地方公益載在約內彼之栽種樹株原爲保護河岸起見恐未必即肯讓步應如何熟籌善策向其理論諸君子必有高見合將前後與該局來往函件抄送台閱務希察核妥議見覆以便交涉等因准此查該工程局所引光緒二十六年公約第十二條第十一款指明中國 國家應允襄辦改善海河水路可知該工程局權限止於襄辦海河水路其非海河水路即不在襄辦範圍之內該工程局覆函所謂無論新廢各河及淤地均應由本局管理他處未便干預等語不知何所依據細釋約款大旨不過爲通商行船便利尤其襄辦改善水道並無廢河淤地均歸管理明文况裁灣廢河漸次淤平與尋常土地無異更於行船便利上絕無關繫如謂栽種樹株係爲保護河岸起見似應於新河兩岸界限以內栽種至廢河淤地則非新河界限不在襄辦範圍該工程局竟率行佔地栽樹顯與約章不符且此項淤地係奉 前督憲袁批准充作自治局經費既經批飭照行自係據有成案惟有仍請憲台據理交涉以免轉轍否則該工程局在廢河淤地悉數栽種樹株不特自治局經費無可籌撥於土地主權亦實有妨礙爲此備文申請憲台察鑒敬祈速賜施行須至申者

文告錄要

督憲批示錄要○學司詳鹽山縣從九品張蔚森等捐學費請獎由

批詳摺均悉鹽山縣紳士從九品張蔚森捐

制錢五百吊充作學堂經費應准給五品獎札從九品高彤珪捐制錢一百五十吊應准給七品功牌舉人李壽愷等續捐錢文爲數無多應與前鹽山縣王令光鸞所捐之京錢百吊一併刊登教育雜誌及北洋官報以示激揚茲發去獎札一件功牌一張仰卽查收轉飭給領並移行司道府查照繳○武清縣姚令佐寅稟修統計處動用漏稅罰項銀兩由 批據稟已悉該縣修蓋統計處房屋所需工料銀兩係動支漏稅罰款究竟此項罰款是否照章辦理當時有無稟明仰布政司轉飭該縣查明具覆並移調查局知照繳

京師督學局告示○爲出示招考事准學部專門司移開現在京師法政學堂添招補習科學堂將考選簡章咨送前來相應移局查照辦理等因到局查法政學堂原咨內稱本年遵照部章不設預科遇添班時專收各中學堂畢業生入堂肄業因各生所習東文程度不一咨准部示另立補習科咨請札行各省提學使遵章考選在案惟京師八旗順天府五城及各省旅京之中學堂如有畢業合格之學生自當一律考選咨送到堂訂期彙同覆試等語本局現定於三月初一日考試合行出示曉諭爲此仰應考各生知悉凡係會由中學堂畢業願入法政學堂肄業者務於閏二月二十八日以前呈驗文憑連本人四寸像片來局報名聽候屆期考驗逾限不補無畢業文憑及像片者不收其各懷違勿得延誤特示 摘錄考選簡章 一此項補習科專挑選各中學堂畢業生仍以品行端正中學明通爲主否則不必遷就 一選送此項學生如先習過東文東語已能直接日本教員聽講者卽可直入正科如程度不足與先未習過東文東語者入堂補習一年或二年不等總以能直接聽講爲限 一學生年歲自二十以上至三十以下者 一選送人數二十四名 一覆試取入後照章每名繳入學費二元(祇繳一次)其每月學費補習科二元正科三元在堂用午膳一次者每月二元五角能駐寄宿館內者每月房膳費七元(現已駐滿俟後補入)其餘操衣書籍等費均由自備

直隸法政學堂批示○縣丞銜郭煜稟懇補考由 批據稟已悉查本堂戊班別科業經上課多日若再收錄所有功課必至趕辦不及該生郭煜有志嚮學應俟本堂再開新班時再行來堂報考此次所請補考之處碍難照准此批

電報錄要

倫敦電○德國海軍武員葛的克在議院宣言德國須於一千九百十二年春造成新式大戰艦十三艘因彼時英國可成十六艘云

又電○英外部大臣葛雷氏在下議院聲言外間傳聞英國以波斯近日亂事甚烈謂由俄國干預波事而起此言實出無稽又言波斯政府現在之政策甚為腐敗須得英國相助方可整頓云

紐約電○美國海軍部現在預備歡迎日本艦隊因日艦隊不日即可航抵舊金山云

又電○美國新總統戴夫德氏擬派哈瓦爾德大學堂前任總理馬克納拉氏充駐英全權公使以繼理德氏之任
東京電○日本伏見宮親王擬於西四月十七號由東京乘坐滿洲丸前往中國并由日本吾妻秋津洲兩艦護送
現在預定於二十三號至秦王島登陸云

又電○日本政府現派松平直直氏為日英大博覽會副總裁和田彥次郎為事務長官

新政紀聞

政治

位置裁缺警員辦法○民政部裁改廳區被裁各員原擬按照裁缺章程辦理茲聞俟本屆京察揭曉以後即將奏明請旨分別辦理云

諭局廣儲裁判人員○蘇省諭局正副委員額設四十二人茲復奉左廉訪添派丁倅方毅等共十員名蓋以高等審判改革在即特飭該員等到局切實研究養成裁判資格免致臨時有人才缺乏之嘆

初選複選區之配置○粵省今年舉行選舉由諮議局籌辦處編定初選複選區域其複選區為廣州府韶州府肇慶府惠州潮州府高州府雷州府廉州府瓊州府復選監督即以該管知府充之其複選區兼初選區為嘉應州羅定州南雄州連州欽州陽江廳崖州復選監督即以該管知州充之初選監督由知州遴派教佐員充之其餘各州各縣盡屬初選區初選監督以該管知州知縣充之計全粵為初選舉區者八十七為複選舉區者九為初選及複選區者七合共初選區九十四複選區十六共得被選議員九十一名云

學務

分期考試高等畢業生○學部堂憲以前山東撫台咨送高等學堂畢業生請照常考試等情現定於本月二十
二二十三二十四二十五二十六二十七等日分別考試並將考試課程擬定其大致如下 二十二日考試倫
理學及代數並礦務地質學 二十三日考試經學三角圖畫 二十四日考試英文東文體操 二十五日考
試國文解析幾何 二十六日微積化學 二十七日物理兵學地理等科學云聞日內將行宣示矣
咨派部員會同考試○法部堂憲以法政學堂講習科將次畢業擬定期咨請學部派員會同考試以昭慎重
創辦教育研究所○奉天教育總會以小學為教育之始基教員程度不可不漸美備擬創辦一教育研究所俾各
小學校長教員等一體入所肄業內分算學理化博物圖畫手工音樂六科輪日教授以一年為卒業期擬就簡
章十一條呈請提學司覆核後札飭各校員如期入所研究當蒙提學司照准辦理云

軍政

議籌陸軍退伍生計○陸軍部各堂憲議籌退伍陸軍之生計擬有兩端一曰續備期內准其應募防綠營勇警察
巡士二曰後備期內准其請領邊墾投戈歸農云

陸軍畢業生赴部投考○蘇省陸軍速成學堂畢業學生稟奉省憲准給川資赴部攷驗擬於本月下旬起程日前
該學堂將派定學生姓名呈請撫院鑒核名次照錄於下 吳炎倪天爵張鶴齋張昭准李咸劉元長胡初益楊
葆毅顧邦杰程士冕林達王宰平陸承贊徐潮吳春靈余擇葛承福湯憬陳紹琦李克戎倪國樑趙德馨李德輝
沈敬思陳光熊孫福康方琦顧源來史國樑朱琪吳育萬范欽翰俞健殷夢弼張是洵王廷杰蔡鶴壽李鈺蔣純
一孫吉林徐懋昭羅志鼎過景鈞沈世駒吳廷掄錢綸陶宗成儲宸寧吳權王祖植謝友仁程鵬翔姚光斗張樹
衡吳濂王毅潘誦范畢樹藩朱文鳳陳溶堃倪復權金銘安張鼎銜邱宗溶夏承志錢振亞林保鑑程名揚潘英
周迪祖楊昌滬

民事

嚴定湖閘啟閉章程○山東境內運河下八閘本無來源全賴微山湖蓄水接濟而以湖口閘為洩水咽喉必須嚴
閉因時始能浮送舟楫若宣洩漫無限制則無源之水立見乾涸轉致航路難行前經魯撫疊飭升任兗沂道丁

觀察會同督辦運工許觀察設法疏通濟甯汶上一帶民田積水注河灌湖並調派嶧縣丞工巡營前哨官常川駐守湖口閘專司啟閉一面嚴定啟閉章程勒石示衆並出示曉諭略謂微山積水艱難湖口閘關係重要現飭於湖內釘立誌樁測量積水每月由管閘員弁申報堯沂道及運工督辦酌量存水之長落以定啟閉之時期或每日一次或三五日一次即遇差船經過亦當隨幫前行不准擅令啟放如實係軍情緊急有關程限者臨時電稟本部院及堯沂道運工督辦酌啟放限定時刻船過即行閉閘倘有受賄私放情弊一經查覺定將管閘縣丞撤任停委哨官棍責撤參勇丁從嚴監禁以示懲儆云

籌議官買煙畝辦法○湖北禁煙公所道刻因全省種煙地畝雖經出示改種他物猶恐刁狡之民藉口難以改種任意違玩致釀成意外之變爰議將不能改種植物地畝由官收買按原契數目給價現正妥議辦法

實業

籌辦博覽會之規畫○鄂督陳夔龍擬在平湖門外乙棧籌辦博覽會飭勸業道妥擬規章稟覆核奪茲由勸業道鄒觀察元汴暨善後局官錢局總辦會議數次以湖北商務繁盛物產豐饒亟應提倡創賽會以資比較但初次開辦一切設備多不完全範圍不能過大擬先就武漢銷行內外各國商品並此外本省商務較繁口岸如沙市宜昌樊城老河口武穴等處所銷行物品一併附入開一勸業獎進會業經擬簡章十五條並出品商人報名規則八條先行稟奉鄂督核准批飭勸業道移行各衙門武漢等處商會並移請江漢關道照會各國領事轉諭洋商知照一面由勸業道出示曉諭商民人等一體知悉

鄂省勸業獎進會○鄂省開辦勸業獎進會計該會場陳列品物分爲四大部 甲天產部凡農產品林產品礦產品水產品之類皆屬焉 乙工業部凡機器製品人工製品之類皆屬焉 丙美術部凡細工物雕刻品以及刺繡繪畫造花之類皆屬焉 丁教育部凡教育圖書以及各種科學用品之類皆屬焉其入場陳列之物均須注明賣品與非賣品來自外國各品陳列須在各部內國品之後所有新發明物品改良土貨仿造洋貨獨出意匠各物品一經審查員審定得由勸業道詳請督院分別賞給一二三等賞牌執照現該會定於四月初一日開幕以兩月爲期所有會場費用均由官籌備不向商家分派云

光緒三十四年郵傳部各路營業盈虧比較表

道清	萍昭	京漢	京奉	建造緣起	成本	本年行車進款	本年行車工程	付利	進支兩抵盈虧
起河南道日鎮訖清化鎮長九十四英里光緒二十四年由福公司建築三十二年與福公司借款贖回	興築 長二百零五里光緒二十五年	起北京正陽門訖漢口大智門長二千四百餘里光緒二十二年先築盧保一段二十四年與比公司借款營造全路	起北京正陽門訖奉天省城長一千九百餘里光緒七年唐山煤礦始造津榆一段廿一年接造津盧一段二十四年與中英公司借款接造關外及營口支路廿七年接造通州支路三十三年與日本買回新奉一段	官撥各款二千一百零六萬七千餘元	約洋一千一百零六萬七千餘元	約洋三百九十萬六千餘元	約洋一百九十五萬三千餘元	拔本付利洋一百八十八萬三千餘元	盈三百三十二萬餘元除北洋經費四十一萬餘兩民部經費五萬兩京張工款一百三十萬兩實餘七十九萬九千餘元
借款七十九萬五千八百七十五兩	千餘兩	盧保官本五百六十二萬兩 借款一百二十五兆佛郎 兆七十一萬佛郎	借款二百三十萬磅贖回新奉日洋一百六十六萬元	約銀二十二萬零	約銀二十八萬七千餘兩	約銀三百六十二萬元	約洋八十八萬餘元又車輛價十七萬五千元俱在	約洋二百八十二萬四千餘元 撥度支部盧保官息四十萬八千餘元	盈三十萬零九千餘兩
七千餘兩				約銀二十二萬零	八千餘兩	無	無	無	兩
萬兩零				約銀十六萬零					
無				無					
餘磅				約三萬九千					
虧約三十餘萬兩									

正太	滬甯	京張	汴洛	廣九
起直隸石家莊訖山西太原府 綽長四百八十四里光緒二十 八年與華俄銀行借款建造	起江蘇寶山縣之艾家角訖江 甯省城下關長六百三十餘里 光緒二十九年與英國銀公司 借款建造其已成滬甯一段長 三十餘里亦併入滬甯	起豐台經北京訖張家口長三 百六十里光緒三十一年由關 內外餘利撥款修築	起河南開封府城訖河南府城 長三百六十八里光緒二十五 年與比公司借款建造	起廣東省城訖英租地之九龍 邊界長一百零一英里光緒三 十三年與中英公司借款築造
借款四千萬佛郎 部撥五百萬佛郎 又一百三十六萬 五千餘兩	借款二百九十萬 磅 部撥銀八十萬兩 部撥銀一百八十 九萬八千餘兩又 洋七十一萬元	估本七百二十九 萬一千餘兩	借款二千五百萬 佛郎 部撥一千六百萬 佛郎	借款一百五十萬 鎊
約洋一百二 十六萬三千 餘元	約一百五十 九萬八千餘 元	約十五萬二 千餘元	約洋十九萬 餘元	無
約五十五萬 五千餘元	約洋一百九 萬四千元	約九萬三千 餘元	工程未竣所 有經費均從 工程項下開 支	無
造路未竣築 路工程及車 輛共約洋二 百零五萬九 千餘元	造路未竣築 路工程約銀 六百八十六 萬四千元	約銀二百十 七萬餘兩	約二百十五 萬餘兩	約二百十二 萬餘元
二百萬零五 千佛郎 部撥款利息 約十五萬兩	十四萬五千 鎊 另部撥款利 息借款公司 尚未允認	無	約二百零一 萬佛郎	七萬五千鎊
除支路工程 各款係屬成不 計盈虧外以支 行車經費及利 與進款相抵實 六十萬零二千餘	除支路工程 支款係屬成本 計盈虧外以支 行車經費及利 與進款相抵實 九十四萬六千餘	全路尚未通車工 程未竣尚不核計 盈虧	全路尚未通車工 程未竣尚不核計 盈虧	尚未行車工程未 竣尚不核計盈虧

此表祇約計營業盈虧因借款公司在歐洲所用各款向按西歷計算現冬季賬尚未報到路局所用各款亦未全行報到是以祇就大
 約統計至京奉京漢兩路盈餘之款業經由部撥用已於本日另案奏明

未士史他令酒緬國官電局之電師也現居仰光四十九街門牌第四十九號日昨惠來手書云○十四年前余在印度司理電綫工程入林度嶺所駐烟瘴之區不可勝數日積月累瘴毒深侵血份遂有寒熱往來之病三日一發先寒後熱冷發之時則全體冰凍手足顫震冷後則熱越宿方止以致精神困憊懶於行動胃口全無面色黃瘦氣

立除癘瘡



衰血弱屢延醫治所服金雞納霜等藥難以枚舉雖有時而暫止惟不久又復發如是者有兩年之久後在印度之叻查釐地方有醫生著予吞服韋廉士大醫生之紅色補丸余從其言照方常服直至全愈然後已此後則氣血日增精神日長從前所患諸恙均歸無何有之鄉矣計自愈後至今經已十有二年而此疾一概未有再發也忖思大東一帶患此病者料亦不少故將當日病形如何服藥何似詳細奉告俾世之有是病者知所問津焉耳 貴藥局不妨將此函登諸報端為望 史君之恙乃癘毒侵血之病也韋廉士大醫生紅色補丸有清血之功補血之能先去其血中之癘毒然後滋補之故能藥到春回徵驗立見也為其有此能故愈一切 肝木不和 食積不化 血枯 頭痛 先天不足 後天失宜 諸虛

百損 風濕骨痛 半身不遂 腳氣衝心 諸般瘡瘍 大凡發熱下痢感冒之後須調補者均宜婦 女經期各恙立奏奇功 各處店均有發售或直向上海九江路B字第八號韋廉士醫生總藥局採買亦可 每樽價銀一元五角 每六樽價銀八大元 不論遠近一律不取郵費 上海九江路B字第八號韋廉士醫生藥局啓

北洋灤州官礮有限公司付息廣告

啟者查本公司定章每屆二月會議三月付息現時井工正在趨辦股東會尚未成立茲先循章將各股東自交股日起截至光緒三十四年底止應得正股紅股官利一律照付本埠以三月初一日為始外埠以三月十六日為始屆時請各股東携帶全賬息單此係第一期取息萬勿掣裁至原交股處支取息銀或此埠股東願改赴彼埠取息者可預先半個月到原埠掛號聲明俾可函告該處屆時照付倘有未經換股票者請迅持原給執照往換如無息單即無憑付息特此奉聞

付利處

天津 北京

三岔河口 玉皇閣

保定 上海

漢口 唐山

張家口 天津

分銀號

同啟

同啟

同啟

同啟

天津商務印書館新書出版

嚴又 訂正羣學肄言
 此書言所以治羣學之術書凡十六篇前經嚴又陵先生譯出行世備受海內歡迎茲經重加訂正以取權歸本館洋裝精緻大為改觀每册定價一元

高小 女子國文教科書
 本館前編初等小學女子國文教科書八册一年間已為六版近又承學部審定其價值不待言此書之尤詳全書四册先出第一册定價大洋二角

學部改訂 近世化學教科書
 日本大幸勇吉著王季烈譯○上篇述有機化學第三篇述有機化學學部評云近世化學凡化學中實驗理論之關係係由說其詳每册定價洋八角五分

查理 初等代數學
 王家榮譯書學之精意而不拘守原書之面目最速於我國之用每部一元二角

新編 初等三角法教科書
 日本飯島正之助著周藩譯○上篇述銳角之圓函數下篇述普通三角之圓函數定義節式之證明不厭其詳而行文簡括使讀者循途深造忘其為沈悶之科學誠教科書本也每册定價二角半

家計簿記教科書
 奏定高等小學章程列簿記於算術科是書就家計以發凡詳論簿記之法書分九章就其通通行例例以各國新法於家計之仍以通俗適用為日便可作學堂教科書即使居家者經商者職司會計者閱覽其書亦其有益每册八角

鄭富 新法英文教程
 注意每句詳解清晰未附釋義及解字兩門凡用鈞體字處可檢釋義其難字可檢解字使閱者一目了然每册定價八角

堀維文 日語讀本
 內堀維文君現任山東高等小學堂日語教授歷年既久閱歷尤深茲特以其經驗材料編成此書體例清和程度適宜誠為學日語者之寶筏也每部四册一元四角

鉛筆習畫帖
 本館前出高等小學鉛筆習畫帖已承學部審定是書編繪之法與前書相應而筆法甚為簡易便於初學繪畫全部四册每册各二十圖均單簡形體以次循序漸進至第四册又添畫淡淡之法初學極易入手全部定價四角八分

林譯 鍾乳鬪體
 英國哈葛得著○此書大致似露中出沒狼獨戶戈德門自述談本於亨利之友愛乃以尋其弟之故至於犯痼痼絕沙流飢渴而死戚所不惜讀之足以愧天下之閱繡者每部二册定價六角

林譯 天囚懺悔錄
 萬終其聞叙航海發其友出亡天良受種苦惱後流荒島力自機機改行為善卒得册定價五角

新譯 匈奴奇士錄
 匈加利育珂摩耳著○一摩陀爾人有妹為食士所誘終至被棄而愛特至死不減不許其兄報報此命王奇誘惑一公爵思其夫人設種種奸謀不得遂公爵夫人卒嫁與摩陀爾人情離奇譯筆古雅每册定價四角

新譯 模範町村
 日本農學博士橫井時致原著○此書以改良地方自治之理想假託一人久客歸鄉所見所與從前大異所設事實均依據學理可見實行今吾國方法宜地方自治此書頗資模範不啻佳作小說觀也每册定價三角

開設河北大胡同電話五百二十號

啓新洋灰有限公司廣告



啓者本公司係承唐山洋灰公司創設新廠歸併舊有之老廠擴充辦理改
 名啓新洋灰有限公司稟奉北洋升督憲袁咨准農工商部註冊立案上
 年購到外洋最新式機器全副去臘業已開機所出之灰據西商部註冊案
 考驗拉力俱高外洋之貨且機器加大出灰足數主顧購用尚有製造
 之紅磚花磚洋灰瓦水溝管子等項無論零交易均可本公司總理處
 設在天津海大道英租界先農公司對面並於北京烟台上海漢口等埠均設
 分處銷藉廣招徠如蒙訂購交貨無不從速至於價廉物美及中外紳商
 所信用不待贅述所有本公司各種磚瓦等件尺寸重量式樣及大概用法另
 刊華洋廣告光顧諸君請向本公司索閱價值一切亦可接洽也
 得待風一千三百九號

德利文洋

大小皮包法國洋號又新到轉盤換調話匣八音盒價值格外從廉仕宦官商光顧者請移玉紫竹林法租界本行面議可也

本行開設天津上海香港志呢華海參巖等處均設立有年諸班貨物由外洋木機器廠自造
 蘭洋鐘皮套鐘天文坐卦等鐘以及金銀夾金鋼鋼等表約有二百餘宗並各樣表鍊金鑲珠寶
 鑽石戒指耳墜鐲子表墜大小八音盒並留聲話匣單雙桶千里眼砒蘭磨花穿衣鏡妝梳洋鏡

本行主人啟

武齋洋行

本行開設天津 於茲二十餘年 自運各種洋貨 絨紗布匹綢緞 繡化屏風鏡額
 磁銅料器瑤藍 奇巧美術玩器 學界文房用品 旋行携帶等件 精工裝身物料
 定織各色蓆氈 現又擴充樓房 極其寬闊高大 如蒙官商光顧 價值格外從廉
 本行隨便入覽 電話一千三百七十四號 天津法租界 武齋洋行謹啓

林祥元記 緞洋貨莊

本號開設（北京前門外鮮魚口）（天津估衣街中間路北）（山東濟南府院西路北）等處
 自置綢緞洋貨顧繡粧蟒花素貢絨絛緞各色抖蓬哈叻厚呢以及京廣什貨織絨綫貨各色
 俱全貨高價廉劃一不二中外 紳商賜顧移玉是幸 瑞林祥元記具

啟新洋灰有限公司添招磚窰股本廣告

啓者本公司第二屆會議提及上年議決在唐山東北二十餘里之馬家溝添設機器磚窰現在即須開辦約計成
 本行本共洋三十萬元仍以五十元爲一股先儘原股東附入是日在會股東已各認定股數頗形踴躍如再有股
 東願入此股者請自二月十六日起兩個月內先將認定之股數 函示註冊該股款於註冊後兩個月內全數交
 齊即以交款之日起息如欲詢詳細辦法請 惠臨天津海大道本公司面談可也此布



售奇有均房藥大各

順天府尹凌大人捐庫平銀二百兩 晉省隱名氏集捐公砵平銀一
 千零八十兩 山東撫台袁捐洋四百元 候補京堂張大人煜南捐
 洋二千元 山東運台崔大人鍾善捐京足銀五百兩福建臬台鹿大
 人學良捐京松銀五百兩 上海道台蔡乃煌捐京足銀二百兩 陝
 西藩庫廳沈錫榮捐京足銀一百兩 分省知縣鄭寶麟捐京足銀四
 十三兩 甘肅舉人趙椿年捐洋十元 直隸道台葉增濤捐洋六十
 元 張仲仁捐洋二十元 丁春之捐洋十四元 鍾薌泉捐洋十元
 汪鶴齡捐洋八元 張信初捐洋八元

北京王府井大街平和戒煙醫局鳴謝清單

本局廣告

本局承辦印刷研究精良近益不惜重資延聘外洋著名工師添購新式機器精製雕刻銅版所有承印各種紙幣股票等件圖畫精巧色澤鮮明紙質堅緻屢蒙中外官商照顧頗加獎譽茲為推廣招徠起見自本年承印各項價目格外減讓以副官商雅意如蒙賜顧請至本局賬房面議可也

綠色條胰出現廣告

本場為提倡高等成色條胰起見不計本利力求料實耐用洗濯異常滑快經久絲毫不抽委與外洋白條胰相頡頏而價值格外低賤如蒙購用即知此胰貨高價廉便宜合算 賜顧者請至北馬路售品總所或本場售品處零整均可面議一為試用定當爭購此佈

天津河北實習工場謹白

工商演說廣告

啓者本月十八日晚八鐘至十一鐘仍在東馬路宣講所內演說工商各項要理並請劉巨川先生續演生財有大道何子琴先生演說工業上圖畫學之關係韓鏡湖先生演說彫刻玻璃簡易法李子鶴先生演說外國貿易法務希 各工商屆時 惠臨入聽不取分文特此預佈

天津勸工陳列所謹啓

京奉鐵路局廣告

啟者本鐵路現有各樣舊碎鐵約重七百八十噸投標出售如願購買者請將所出價值開列封在信封之內於本月二十九日以前寄交本局華收支處彙齊開標逾期不收該鐵現存新河貨棧投得者即在該棧房交貨特此佈聞

京奉鐵路局謹啓